

بطل السلام

بقلم الأستاذ : الباشا احمد شحاته

عضو مجلس ادارة رابطة الزجالين

يا زعيم الشرق يا بطل السلام
السلام اصبح حقيقة مش كلام
المحبه زرعتهما بين الشعوب
بالامان والحب من بعد الخصام

* * *

كلمة الحق اللى قالها انت وحدك
ربشجاعه وكل قوه زى عهدك
خلت العالم يبارك خطوتك
للعروبيه كلها وفيت بوعدك

* * *

البلاد حررتها بحروب وسلم
والشعوب نورتها ايمان وعلم
صحبت الدنيا على الفجر الجديد
لما حققت اللى كان فاكرينه حلم

* * *

في الحروب ايه رح يكون الانتصار
في الأرامل واليتامى والدمار
اللى زار القدس في العيد الكبير
لجل كل الخلق ماتعيش في العمار

* * *

كل انسان قلبه مليون بالسعاده
وكل انصار السلام سعدت زياده
الا روسيا وكل تجار الحروب
اللى مشيوا معاها فاقدين الاراده

* * *

مصر ياما باسمها ارتفعت رايات
التاريخ سجل وحاسجل آيات
للزعيم الحر والشهم الجسور
ربنا يصونك ويحميك يا سادات